



四庫全書

薈要

【子部】

吉林人民出版社

乾隆
御覽本

四庫全書薈要

子部
第八冊

欽定四庫全書管要

子部
管子卷一

臣王杰詳校
詳校官主事臣陳木

管子目錄

卷一

牧民第一

形勢第二

權修第三

立政第四

乘馬第五

卷二

七法第六

版法第七

卷三

幼官第八

幼官圖第九

五輔第十

卷四



欽定四庫全書

管子
目錄

宙合第十一

樞言第十二

卷五

八觀第十三

法禁第十四

重令第十五

卷六

法法第十六

欽定四庫全書

管子
目錄

二

兵法第十七

卷七

大匡第十八

卷八

中匡第十九

小匡第二十

王言第二十一

卷九

霸形第二十二

霸言第二十三

問第二十四

謀失第二十五

卷十

戒第二十六

地圖第二十七

參患第二十八

欽定四庫全書

管子
目錄

三

制分第二十九

君臣上第三十

卷十一

君臣下第三十一

小稱第三十二

四稱第三十三

正言第三十四

卷十二

侈靡第三十五

卷十三

心術上第三十六

心術下第三十七

白心第三十八

卷十四

水地第三十九

四時第四十

欽定四庫全書

管子
目錄

五行第四十一

卷十五

勢第四十二

正第四十三

九變第四十四

任法第四十五

明法第四十六

正世第四十七

治國第四十八

卷十六

內業第四十九

封禪第五十

小問第五十一

卷十七

七臣七主第五十二

禁藏第五十三

欽定四庫全書

管子
目錄

卷十八

八國第五十四

九守第五十五

桓公問第五十六

度地第五十七

卷十九

地員第五十八

弟子職第五十九

言昭第六十

修身第六十一

問霸第六十二

牧民解第六十三

卷二十

形勢解第六十四

卷二十一

立政九敗解第六十五

欽定四庫全書

管子
目錄

版法解第六十六

明法解第六十七

臣乘馬第六十八

乘馬數第六十九

問乘馬第七十

卷二十二

事語第七十一

海王第七十二

國蓄第七十三

山國軌第七十四

山權數第七十五

山至數第七十六

卷二十三

地數第七十七

揆度第七十八

國準第七十九

欽定四庫全書

管子
目錄

輕重甲第八十

卷二十四

輕重乙第八十一

輕重丙第八十二

輕重丁第八十三

輕重戊第八十四

輕重己第八十五

輕重庚第八十六

右二十四卷

凡八十六篇

內十篇闕

臣等謹案管子二十四卷舊本題管仲撰晁公武讀書志曰其書載管子將沒對桓公之語疑後人續之葉適水心集亦曰管子非一人之筆亦非一時之書以其言毛嫱西施吳王好劍推之當是春秋末年今考其文大抵後人附會多于仲之本書其他姑無論即仲

欽定四庫全書

管子
目錄

八

卒于桓公之前而篇中處處稱桓公其不出仲手已無疑義矣書中稱經言者九篇稱外言者八篇稱內言者九篇稱短語者十八篇稱區言者五篇稱雜篇者十三篇稱管子解者五篇稱管子輕重者十九篇意其中孰為手撰孰為記其緒言如語稱之類孰為述其逸事如家傳之類孰為推其義旨如箋疏之類當時必有分別觀其五篇明題管子解者

可以類推必由後人混而一之致滋疑竇耳劉向所校本八十六篇至宋已亡十篇明人所刊往往顛倒其篇次如以牧民解附牧民篇下形勢解附形勢篇下之類不一而足彌為竄亂失真此本為萬曆壬午趙用賢所刊稱由宋本翻雕前有紹興己未張嶠跋云舛脫甚眾頗為是正用賢序又云正其脫誤者逾三萬言則屢經點竄已非劉向所校之舊

欽定四庫全書

管子
目錄

九

然終愈于他氏所妄更者在近代猶善本也舊有房玄齡註晁公武以為尹知章所託然考唐藝文志玄齡註管子不著錄而所載有尹知章注管子三十卷則知章本未託名殆後人以知章人微玄齡名重改題之以炫俗其文淺陋頗不足採以古來無他注本明劉績所補注亦僅小有糾正未足相代故仍舊本錄之焉乾隆四十一年六月恭校上

總纂官臣紀昀臣陸錫熊臣孫士毅
總校官臣陸費墀

管子原序

序曰春秋尊王不尊霸與中國不與夷狄始于平王避
夷難也是王室遷而微也見于周書文侯之命微王也
是王者失賞也費誓善其備夷是諸侯之正也秦誓專
征伐是諸侯之失禮也書春秋合體而異世也書以文
侯之命終其治也春秋以平王東遷始其微也自東遷
六十五年春秋無晉以其亡護亂也及其滅中國之國
而後見其行事譏失賞也周之微也幸不夷其宗稷齊
桓之功也其中國無與加其盛也其夷狄無與抗其力
也見于衛詩美其存中國也春秋無與辭何異也存一
國之風無其人則衛夷矣全王道之正與之霸是諸侯
可專征伐也夫晉之為霸也異齊遠矣桓正文譎夫桓
之為正抑夷狄存中國文之為譎陵中國微王室晉之
風也無美其美無功其功外無他焉雖國人不與也然
而桓之正非王道之正也以文譎而桓正也桓之功非
王道之功也以攘狄而存周也無桓周滅有周桓賊桓

卒齊衰楚人滅周周之不幸桓之早死也故曰周之存桓之功也桓之不幸管仲之早死也故曰桓之功管仲之力也自是楚滅諸國而熾矣今得其著書然後知攘狄之功皆遠略也儒譏霸信刑賞豈王者詆民哉霸嚴政令豈王者怠忽哉霸鄉方略豈王者不先謀哉霸審勞佚豈王者暴師哉霸謹畜積豈王者使民不足哉亦時夷狄內聘大者畏威小者懷仁功亦至矣不幸名之不正然奈衰世何孔子曰微管仲吾其被髮左衽此其

據也時大宋甲申秋九月二十三日楊忱撰

護左都水使者光祿大夫臣向言所校讎中管子書三百八十九篇太中大夫卜圭書二十七篇臣富參書四十一篇射聲校尉立書十一篇太史書九十六篇凡中外書五百六十四以校除復重四百八十四篇定著八十六篇殺青而書可繕寫也管子者穎上人也名夷吾號仲父少時嘗與鮑叔牙游鮑叔知其賢管子貧困常欺叔牙叔牙終善之鮑叔事齊公子小白管子事公子

糾及小白立為桓公子糾死管仲因鮑叔薦管仲管仲既任政於齊齊桓公以霸九合諸侯一匡天下管仲之謀也故管仲曰吾始困時與鮑叔分財多自予鮑叔不以我為貪知吾貧也嘗為鮑叔謀事而更窮困鮑叔不以我為愚知吾有利有不利也公子糾敗召忽死之吾幽囚受辱鮑叔不以我為無恥知吾不羞小節而恥功名不顯于天下也生我者父母知我者鮑叔鮑叔既進管仲而已下之子孫世祿於齊有封邑者十餘世常為名大夫管子既相以區區之齊在海濱通貨積財富國彊兵與俗同好醜故其書稱曰倉廩實而知禮節衣食足而知榮辱上服度則六親固四維不張國乃滅亡下令猶流水之原令順人心故論卑而易行俗所欲因子之俗所否因去之其為政也善因禍為福轉敗為功貴輕重慎權衡桓公怒少姬南襲蔡管仲因伐楚責包茅不入貢於周室桓公北征山戎管仲因而令燕修召公之政柯之會桓公背曹沫之盟管仲因而信之諸侯歸

之管仲聘於周不敢受上卿之命以讓高國是時諸侯為管仲城穀以為之乘邑春秋書之褒賢也管仲富擬公室有三歸反玷齊人不以為侈管子卒齊國遵其政常彊於諸侯孔子曰微管仲吾其被髮左衽矣太史公曰余讀管氏牧民山高乘馬輕重九府詳哉言之也又曰將順其美匡救其惡故上下能相親愛豈管仲之謂乎九府書民間無有山高一名形勢凡管子書務富國安民道約言要可以曉合經義向謹第錄上

管子舊書凡三百八十九篇漢劉向校除其重複定著為八十六篇今亡十篇近世所傳往往淆亂至不可讀余行求古善本庶幾過之者幾二十年始得之友人秦汝立氏其大章僅完整而句字複多紕錯乃為正其脫誤者逾三萬言而闕其疑不可考者尚十之二然後管子幾為全書夫五伯莫盛於桓公而管仲特為之佐自其事差稱於聖門而其言悉見絀以為權謀功利學者鮮能道之及余讀是書而深惟其故然後知王者之法

莫備於周公而善變周公之法者莫精於管子何者方周之興去隆古湯穆之風未遠而后稷公劉其深仁厚澤又培之於數百年之久蓋風會既成而文明猶鬱周公起而當制作之任其法制之綱繆文章之繁猥諸所經畫莫不犁然具舉而天下且以鴻龐淳固之俗始嚮利於憲度著明之後故其法雖密而其服習者亦能安之而不悖周室既衰諸侯日尋於干戈謀臣營士競出其智力以相勝苟必兢兢於先王之約束而執不移等

則勢有所格而其術必有所窮非救時之宜矣管子固天下才也豈其智不及此乎是故當其謀之於垂纓下社之日者不過審舊法擇其善者而從之又其要則在事可以隱令可以寄政使諸侯不吾虞而吾默安國富民以取盈於天下故其書如牧民乘馬幼官輕重諸篇大抵不離周官以制用而亦不盡局於周官以通其變今攷其說所謂參國為三軍者即伍兩卒旅之舊也因罰備器用者即兩造兩劑之遺也選士首以好學慈孝

而且及於拳勇肢肱亦興賢之故典也鑄幣指以黃金
刀布而並及於魚鹽鉞鐵亦園府之舊章也他如五勢
三準諸說不過積餘歲美待之於國諸侯不服吾可以
戰諸侯賓服吾可以行仁義蓋周公之法其樊然結約
者要旨率民於善仲直師其意不襲其故一更之為截
然夷易而作民於戰故其言曰精時者少日而功多又
曰吾欲正卒伍修甲兵而大國亦將修之吾有攻伐之
器而諸侯有守禦之備是難以速得志此仲之所以立

法意也夫白刃捍習則目不見流矢拔戟加首則十指
不辭斷明緩急之有所先也使仲當諸侯力政之日必
欲舉王制而井田吾民象刑吾法毋招權勇毋權鹽鐵
不踰時而國且飽於敵矣安能以區區之齊伸威海岱
而成其一匡之績哉昔者蘇軾氏蓋論仲之變法而曰
王者之兵非以求勝故其法繁而曲霸者之兵求以決
勝故其法簡而直然則謂仲之用法異於周公之意則
可而謂其法之盡詭於周公則不可故曰古今遞遷道

隨時降王霸迭興政由俗革吾以為周公經制之大備
蓋所以成王道之終管子能變其常而通其窮亦所以
基霸道之始夫亦勢之所趨有不得不然者乎雖然非
仲之輕於悖周也當太公之治齊五月而報政曰吾因
其俗簡其禮至三年而伯禽之報政周公且貶之曰夫政
不簡不易民不有近魯終北面而事齊矣意者太公之
治有不盡倣於周官而史蓋稱其道商賈之策便魚鹽
之利人民歸齊齊稱大國蓋自太公而齊故以富彊名

於列國仲特因齊之故而修業耳非一無所防襲而創
為之者也世之譚者曰帝降而王王降而霸自仲之說
行一變而入於誇詐之習其未極於秦鞅盡去先王之
籍而流毒天下遂以管商為功利之首夫商君慘礪少
恩卒受惡名於秦而仲之政飾四維固六親其論白心
內業不可謂無窺於聖人之道而徒以刀鋸繩民如商
君者故雖吾夫子亦且大其功而以如其仁歸之奈何
躋鞅於仲也余恐夫讀是書者不揆其修政立事之原

而徒辱之以權謀功利使管子之所曰善用周公者其道不明於天下也故為之梓其書而復論著其大略於篇首云萬曆壬午春三月前史官吳郡趙用賢撰

管子卷一

唐 房玄齡 註

牧民第一

國頌 四維 四順 士經 六觀 五法

經言一

凡有地牧民者務在四時

四時所以生萬物也

守在倉廩

食者人之

天國多財則遠者來地辟舉則民留處

舉盡也言地盡則人留而安

居處也

倉廩實則知禮節衣食足則知榮辱上服度則六

親固

服行也上行禮度則六親各得其所故能感恩而結固之

四維張則君令行故

省刑之要在禁文巧

文巧者刑罰所由生

守國之度在飾四維順

民之經在明鬼神祇山川

鬼神山川皆有尊卑之序故敬明之

敬宗廟恭

祖舊

謂恭承先祖之舊法

不務天時則財不生不務地利則倉廩

不盈野無曠則民乃管

管當為

上無量則民乃妄文巧不

禁則民乃淫不璋兩原則刑乃繁

璋當為章章明也兩原謂妄之原上無量

也淫之原不禁文巧也能明此法者刑簡

不明鬼神則陋民不悟

不悟鬼神有尊卑之

異不祇山川則威令不聞

言能登封降禪祇祀山川則威令遠聞

不敬宗

廟則民乃上校

校效也君無所尊人亦效之

不恭祖舊則孝悌不備

四維不張國乃滅亡

右國頌 頌容也謂陳為國之形容

國有四維一維絕則傾二維絕則危三維絕則覆四維絕則滅傾可正也危可安也覆可起也滅不可復錯也何謂四維一曰禮二曰義三曰廉四曰恥禮不踰節義不自進自進謂不廉不蔽惡隱蔽其惡非貞廉也恥不從枉說隨邪枉無羞無羞之人故不踰節則上位安不自進則民無巧詐不蔽惡則行自全不從枉則邪事不生

欽定四庫全書

管子

右四維

政之所興在順民心政之所廢在逆民心民惡憂勞我佚樂之民惡貧賤我富貴之民惡危墜我存安之民惡滅絕我生育之能佚樂之則民為之憂勞君於平康能佚樂人及其危人必謂之憂勞下三順皆然能富貴之則民為之貧賤能存安之則民為之危墜能生育之則民為之滅絕故刑罰不足以畏其意殺戮不足以服其心畏意服心在於順其所欲不在刑罰殺戮故刑罰繁而意不恐則令不行矣殺戮衆而心不服則上位

危矣故從其四欲則遠者自親行其四惡則近者叛之故知子之為取者政之寶也謂與之生全取其死難也

右四順

錯國於不傾之地積於不涸之倉涸竭藏於不竭之府下令於流水之原使民於不爭之官明必死之路開必得之門不為不可成不求不可得不處不可久不行不可復錯國於不傾之地者授有德也積於不涸之倉者務五穀也藏於不竭之府者養桑麻育六畜也下令於

欽定四庫全書

管子

三

流水之原者令順民心也使民於不爭之官者使各為其所長也各長其所長則順而悅故不爭也明必死之路者嚴刑罰也開必得之門者信慶賞也不為不可成者量民力也不求不可得者不彊民以其所惡也不處不可久者不偷取一世也謂所處可必使百代常行不行不可復者不欺其民也復也欺民之事故授有德則國安務五穀則食足養桑麻育六畜則民富令順民心則威令行使民各為其所長則用備嚴刑罰則民遠邪信慶賞則民輕難量民力則

事無不成不彊民以其所惡則詐偽不生不偷取一世則民無怨心不欺其民則下親其上

右士經士事也經常也謂陳事之可以常行者也

以家為鄉鄉不可為也言有家之親斥以為鄉之疎必生怨故不可為也下三事同此

以鄉為國國不可為也以國為天下天下不可為也以

家為家一親也以鄉為鄉二親也以國為國三親也以天下為

天下四親也母曰不同生遠者不聽謂家也言有家之親而謂之曰不與汝同

家而生用此以相疎速者必不聽下同母曰不同鄉遠者不行母曰不同

欽定四庫全書管子卷一

國遠者不從如地如天何私何親五親也如月如日唯君

之節六親也天地日月取其權臨言人君親下當如天地日月之無私也御民之轡在上

之所貴言人從上之所貴若馬之從轡道民之門在上之所先上所先行人必

行之其從之若由門矣召民之路在上之所好惡故君求之則臣

得之若將求之臣已先索得之也君嗜之則臣食之君好之則臣服

之君惡之則臣匿之一法也毋蔽汝惡毋異汝度汝君賢也

者將不汝助言室滿室言堂滿堂是謂聖王二法也言室室事而

令滿取其露見不隱也城郭溝渠不足以固守兵甲彊力不足以

應敵博地多財不足以有衆古城郭兵甲博地不足以有衆更在國守應敵有衆其國守應

天下不患無臣患無君以使之天下不患無財患無

人以分之可以分與財者賢人也故知時者可立以為長無私者

可置以為政審於時而察於用而能備官者可奉以為

君也四法也緩者後於事宏於財者失所親信小人者失

士五法也

右六親五法

欽定四庫全書管子卷一

形勢第二自天地以及萬物開諸人事莫不有形勢焉夫勢必因形而立故形端者勢必

直狀危者勢必傾觸類莫不然可以一隅而反經言二

山高而不崩則祈羊至矣淵深而不涸則沈玉極矣極

也山不崩淵不涸與雨之祥故羊玉而祈祭烹羊以祭故曰祈羊天不變其常地不易

其則春秋冬夏不更其節古今一也今之天地即古之天地今之四時即

古之四時故曰古今一也蛟龍得水而神可立也虎豹得幽而威可

載也至德處盛位天風雨無鄉而怨怒不及也解方也

所故無從下可平載行也貴有以行令賤有以忘卑貴而行令今乃行賤而忘卑卑可移

壽夭貧富無徒歸也皆有理 銜命者君之尊也受辭者

名之運也言受君之辭以出命 上無事則民自試也試用

抱蜀不言而廟堂既修抱持也蜀祠器也君人者但抱

廟堂之政既以修理矣 鴻鵠鏘鏘唯民歌之德也 濟濟多士殷民

化之紂之失也戒紂之失 飛蓬之問不在所實燕雀之

集道行不顧達飛因風動搖不定喻二三之聲問明主

之人忽而不顧謂小儀狴圭璧不足以饗鬼神 鬼神享

事非大人所宜知儀狴圭璧不足以饗鬼神 鬼神享

圭主功有素實幣奚為主能立功可謂有素何所為乎

欽定四庫全書管子 卷一

羿之道非射也造父之術非馭也奚仲之巧非斲削也

羿之射貴其肆武服戎不在其落鳥中鵠造父之馭貴

其軍容致遠不在其轍跡偏天下也奚仲之巧貴其九車

以載不在斲削成光鑑也召遠者使無為焉親近者言無事焉唯夜

行者獨有也思厚不在於虛言夜行謂陰行其德則人

不與之爭故平原之隈奚有於高 封不咸於高喻人有小

獨有之也大矢小善不成 大山之隈奚有於深大矢雖有小隈不

其美隰下澤也大矢雖有小隈不 大矢雖有小隈不

人為深喻人有高行大矢雖有小隈不 大矢雖有小隈不

雖有小過非不肖也大矢雖有小隈不 大矢雖有小隈不

人則亂大矢雖有小隈不 大矢雖有小隈不

憂者可與致道顧憂謂忠事動臣道有 其計也遠而憂

在近者往而勿召也小人之計得之雖速禍敗尋至則

召舉長者可遠見也舉用長利衆皆 裁大者衆之所比

也裁斷也能斷大 美人之懷定服而勿厭也欲令人貴

者須安定服行道德勿有疲厭 必得之事不足賴也必諾之言不足信

也言人於事莫為疑動言必得應 小謹者不大立餐食

者不肥體言人無弘量但有小謹不能大立也餐食

棄之言者必參於天地也言無可棄動為法則若天地

欽定四庫全書管子 卷一

墜岸三仞人之所大難也而猿猱飲焉故曰伐矜好專

舉事之禍也猿過墜岸而能飲喻 不行其野不違其馬

馬有識道之性不違馬而自得塗喻未經其事問其所經 能予而無取者天地之配

也天地施生不求所報與 怠倦者不及倦怠之人觸塗

無廣者疑神神者在內不及者在門無得以已及不及

形常在於內故曰在內也在內者將假在門者將待

謂神將借已也謂神將借已也 曙戒勿怠後穉逢殃每曙而戒所以

謂須自厲以待曙戒勿怠後穉逢殃 戒此日之事以

待曙戒勿怠為傳急也 朝忘其事夕失其功邪氣入內正色乃衰

君不君則臣不臣父不父則子不子上失其位則下踰

其節上下不和令乃不行衣冠不正則賓者不肅進退

無儀則政令不行且憚且威則君道備矣莫樂之則莫

哀之常能樂人及其有難人必哀之也莫生之則莫死之常能生人及其有危人必

死之往者不至來者不極此往情不至則彼來意不極也道之所言者一

也而用之者異道之所言其理不二但用之不同其事遂異也有聞道而好為

家者一家之人也雖聞道但好理家此但一家之人耳言無廣遠有聞道而好

為鄉者一鄉之人也有聞道而好為國者一國之人也

欽定四庫全書 管子 卷一

有聞道而好為天下者天下之人也此亦仁者見之謂之智

有聞道而好定萬物者天下之配也此則君子道也

往者其人莫來道來者其人莫往道之所設身之化也

道者均彼我忘是非故無來往之體然道之所設身必與之化也

持滿者與天安危者與人失天之度雖滿必涸上下不和雖安必危能持滿者則與

天合能安危者則與人合不合於天雖滿必涸不合於人雖安必危

欲王天下而失天之道天下不可得而王也得天之道其事若自然失天之道

雖立不安其道既得莫知其為之其功既成莫知其

釋之藏之無形天之道也疑今者察之古不知來者視

之往萬事之生也異趣而同歸古今一也生棟覆屋怨

怒不及弱子下瓦慈母操箠言人以生棟造舍雖至覆屋但自答而已不敢怨及

他人至弱子下瓦所損不多慈母便操箠而怒之喻人

主過當已作雖大而吞聲過發他人雖小而振怒也

天道之極遠者自親天道平分遠近無二故遠者自親也人事之起近親

造怨人事則愛惡相攻故有近親遠怨也萬物之於人也無私近也無私

遠也動物則有識而無知植物則有生而無識故於人也無私遠近巧者有餘而拙者

不足萬物既無私於人故巧者其功順天者天助之其用之有餘拙者用之不足

功逆天者天違之天之所助雖小必大天之所違雖成

必敗順天者有其功逆天者懷其凶不可復振也烏鳥

之狡雖善不親狡謂猜也言烏鳥之性多猜初雖相善後終不親不重之結雖

固必解道之用也貴其重也毋與不可毋彊不能毋告

不知與不可彊不能告不知謂之勞而無功見與之交

幾於不親見謂不忘而恃之也與親與也見哀之役幾於不結役而哀之雖有

惻然見而不忘故彼不結也見施之德幾於不報雖有恩施之德然見而不忘故彼不

報也四方所歸心行者也心行能不見則四方歸之獨王之國勞而多

禍獨王謂無四鄰之援也獨國之君卑而不威自媒之女醜而不

信未之見而親焉可以往矣未見而親親必久而不忘

焉可以來矣日月不明天不易也山高而不見地不易

也日月無不明假令不明是天有雲氣而不易也山高無不見假令不見是地多險阻不平易也言而

不可復者君不言也行而不可再者君不行也謂臣有忠言不

可復言者則由君不言故也臣有善行不可再行者則由君不行也

凡言而不可復行而不可再者有國者之大禁也

權修第三權者所以知輕重君人者必知事之輕重然後國可為故須修權經言三

萬乘之國兵不可以無主無所主則無土地博大野不

可以無吏無吏則不屬於壘闕百姓殷衆官不可以無長無長則無所稟

也今操民之命朝不可以無政地博而國貧者野不辟也

民衆而兵弱者民無取也兵無主故無所取則故末產不禁則野

不辟賞罰不信則民無取野不辟民無取外不可以應

敵內不可以固守故曰有萬乘之號而無千乘之用而

求權之無輕不可得也國號萬乘及其兵用不滿於千如此者權必自輕也地辟

而國貧者舟輿飾臺榭廣也賞罰信而兵弱者輕用衆

使民勞也舟車飾臺榭廣則賦斂厚矣輕用衆使民勞

則民力竭矣賦斂厚則下怨上矣民力竭則令不行矣

下怨上令不行而求敵之勿謀已不可得也欲為天下

者必重用其國欲為其國者必重用其民欲為其民者

必重盡其民力重為於無以畜之則往而不可止也謂往

亡去無以牧之則處而不可使也人雖留處無畜牧之道故不可使也遠

人至而不去則有以畜之也民衆而可一則有以牧之

也見其可也喜之有徵徵驗也必有恩賜以驗見喜無空然矣見其不可

也惡之有刑賞罰信於其所見雖其所不見其敢為之

乎所見之處賞罰既信則所不見懼而不敢為非見其可也喜之無徵見其

不可也惡之無刑賞罰不信於其所見而求其所不見

之為之化不可得也厚愛利足以親之明智禮足以教

之上身服以先之服行也凡所欲教人在上必身自行之所以率先於下也審度量

之閑之所以防閑其姦偽也鄉置師以說道之然後申之以憲令

勸之以慶賞振之以刑罰振整也故百姓皆說為善則暴

亂之行無由至矣地之生財有時民之用力有倦而人